



Huw Irranca-Davies AS
Cadeirydd
y Pwyllgor Deddfwriaeth, Cyfiawnder a'r Cyfansoddiad

huw.irranca-davies@senedd.wales

21 Hydref 2022

Annwyl Huw,

Rwy'n cyfeirio at fy llythyr atoch ar 6 Hydref 2022. Rwy'n ysgrifennu i hysbysu'r Pwyllgor fy mod wedi rhoi fy nghysyniad i'r Ysgrifennydd Gwladol osodi Rheoliadau Llygryddion Organig Parhaus (Diwygio) (Ymadael â'r UE) 2022 mewn perthynas i Gymru. Rwyf wedi gosod Datganiad Ysgrifenedig sydd ar gael yn <https://senedd.cymru/media/mzsiuopv/ws-ld15408-w.pdf>.

Gwnaed y Rheoliadau gan yr Ysgrifennydd Gwladol, drwy arfer y pwerau a roddir gan Ddeddf yr Undeb Ewropeaidd (Ymadael) 2018). Maent yn gorgyffwrdd â pholisi datganoledig a byddant yn berthnasol i Gymru. Gallai'r darpariaethau fod wedi cael eu gwneud drwy arfer ein pwerau a roddir gan Ddeddf yr Undeb Ewropeaidd (Ymadael) 2018. Mae'r Rheoliadau'n berthnasol i Gymru, Lloegr, yr Alban a Gogledd Iwerddon.

Mae'r Offeryn Statudol (OS) yn ddarostyngedig i'r weithdrefn gadarnhaol, a chafodd ei osod gerbron Senedd y DU ar 19 Hydref 2022.

Egwyddor gyffredinol Llywodraeth Cymru yw y dylai cyfraith sy'n ymwneud â materion datganoledig gael ei gwneud a'i diwygio yng Nghymru. Fodd bynnag, ar yr achlysur hwn, ystyrir ei bod yn briodol i'r diwygiadau, yn eu hanfod, fod yn berthnasol i Gymru, gan nad oes gwahaniaeth o ran polisi rhwng Llywodraeth Cymru a Llywodraeth y DU.

Mae hyn yn sicrhau llyfr statud cydlynol a chyson, gyda'r rheoliadau ar gael o fewn offeryn sengl. Rwyf o'r farn nad deddfu ar wahân ar gyfer Cymru fyddai'r ffordd fwyaf priodol o weithredu'r newidiadau sydd eu hangen, ac na fyddai'n defnyddio adnoddau Llywodraeth Cymru mewn modd pwyllog, o ystyried blaenoriaethau pwysig eraill

Cofion,

A handwritten signature in black ink that reads "Lesley Griffiths". The signature is written in a cursive, flowing style.

Lesley Griffiths AS
Y Gweinidog Materion Gwledig a Gogledd Cymru, a'r Trefnydd